



Obavještenje o održavanju kvalifikacionih takmičenja za plasman na federalno takmičenje iz matematike osnovnih i srednjih škola 2024. godine

Udruženje matematičara Kantona Sarajevo (UM KS) organizuje kvalifikaciona takmičenja za plasman na federalno takmičenje iz matematike učenika osnovnih i srednjih škola. Termini kvalifikacionih takmičenja su:

- 14.4.2024. - za srednje škole (I, II, III i IV razredi).
- 28.4.2024. - za osnovne škole (VI, VII, VIII i IX razredi). U konkurenciji šestih razreda mogu učestvovati i mlađi učenici.

Takmičenje se održava na nekoliko lokacija: Bihać, Mostar, Tuzla, Sarajevo i Zenica. Učenik će u prijavi odabrati na kojoj lokaciji želi raditi takmičenje. Izrada zadataka počinje u 10:30, a traje do 13:30. Potrebno je da učenici na dan takmičenja dođu najkasnije u 10:15 na mjesto održavanja takmičenja.

Kvalifikacionom takmičenju mogu pristupiti svi učenici koji nisu ostvarili direktan plasman na federalno takmičenje preko kantonalnog takmičenja. Učenici rade 5 zadataka, pri čemu svaki zadatak nosi 10 bodova. Prvi zadatak je školskog tipa, dok su preostala četiri zadatka iz oblasti algebre, geometrije, teorije brojeva i kombinatorike (ne nužno u tom redoslijedu, zadaci su poredani od lakših ka težim).

Prvoplasiranih 12 učenika iz svakog razreda ostvaruje plasman na federalno takmičenje. Kako za šeste razrede nije organizovano kantonalno takmičenje u svim kantonima, iz šestog razreda će prvih 15 učenika ostvariti plasman na federalno takmičenje. Rezultati i eventualne žalbe će se odvijati online, putem maila. Za učešće na kvalifikacionom takmičenju se ne dobija nikakva potvrda, priznanje ili diploma.

Tačne lokacije održavanja takmičenja su sljedeće:

- Bihać – i za osnovne i za srednje škole "Richmond Park College" Bihać
- Mostar – i za osnovne i za srednje škole "United World College" Mostar
- Sarajevo – i za osnovne i za srednje škole Prirodno-matematički fakultet Univerziteta u Sarajevu
- Tuzla – i za osnovne i za srednje škole "Richmond Park College" Tuzla
- Zenica – i za osnovne i za srednje škole Mješovita srednja industrijska škola Zenica

Učenici koji žele učestvovati na kvalifikacionom takmičenju dužni su se prijaviti putem online forme:

- Srednje škole: <https://shorturl.at/apxNZ>, najkasnije do 11.4.2024. godine (izuzetak su učenici iz Srednjobosanskog kantona koji imaju kantonalno takmičenje 13.4. i mogu se prijaviti 13.4. navečer)
- Osnovne škole: <https://shorturl.at/nZ258>, najkasnije do 25.4.2024. godine

Također, svi učesnici su dužni uplatiti kotizaciju od 20 KM na žiro račun UM KS: 1610000156600012 kod Raiffeisen banke dd Sarajevo sa naznakom „Za kvalifikaciono takmičenje“, najkasnije 3 dana prije takmičenja (naravno, opet su izuzetak srednjoškolci iz SBK).

Za eventualna pitanja možete se obratiti na federalno.takmicenje@gmail.com.